

Ukalnama ashee korona kushedu

Atabana, atabaya!

Nê ma GUGU gusûrá gudən ashee ushedu ufɔli ndee u dɔo ba na yɪda wàà, korona kushedu, u na waga na dulinnya anunii ma.

Gi yɛɛ ɪlaabaaru n'ukalnama uba na nkulo ndee n da ashee alaafiya kula lan dulinnya ni [OMS] ma sul.

Abusaú ɪfɔli ndee ɪ pî ma lan, gi tu kûda ushedu gusûrá gufɔli gude n'atɪgɪkrə anii ashee anyin. Gi kûda gboo daa ɪ sim gi kûn naa aləŋ n'atalɔ ushedu de ma.

ɪ ta naa yêɛ ɪ nê abusaú de n'ató asûrá, koo ɪ tôgo WasAp na enterɛɛti lan, ɪ tu nê ɪ gboo enterɛɛti kaafala ngade ni:
revue-gugu.org/sl/09.htm

Gi ti sala anyin,
GUGU kankulo



revue-gugu.org/sl/09.htm

Korona kushedu kuduú


Korona kushedu de u lee ushedu ufoli na. U saba na Caina kaatana ni na, gaja kotokubanyu-na-tab-na-cuni (2019) kanjo abonoka ni. Bere bumanu tuutuuma duniya ni, i pala ka ushedu de u waga duniya kabutana tuutuuma. Nnyamə wáá, u kpa Togoo na Benɛɛ ni gboo.




Korona kaashempidpidu

Ushedu de u doo na korona kaashempidpidu gusurá gudən ba na yida wàà, SARS-COV-2 ma na. Ðaa ushedu de u lee ufoli ma, bere banunii balo k'i kana sara i ci n'ushedu de ibobo na.

Gashempidpidu gade ga lee gabɔno ji na sa n'arè, naa naa waga were. Ushedu de, gi ta tô bashedeka banun ni, ashedeka dən na u na kpa na ma na awu. Bere tuutuuma ba ci n'ushedu de bono.





Ulamə kuyeu

Halı gaja ngade (2020) kanɔrɔ ariutaja nnɛ kɔboŋo ni, ulamə k'ɔ kana ɔa ashee ɔshedu ɔe kɔkidu na. Na kagikəmpi gboo ka gi kana ɔa na. Ama bayɔka ba ɔa kuyeu ni gajaka na gitenɔshile.

Ʋkalnama ashee banono na bashedeka

Bere banunii pi ʁshedʁ de ʁ na ri. Ama mbaɗee ʁ na caaru na wu ma na gəŋ: Banono mbaɗee ba wʁɗa bʁja ʁshiri (60) na kanɗam ma, na mbaɗee ba cee wʁɗa ʁshedʁ ʁɗən balɔ ni ma. ʁshedʁ de kiɗən ni gəŋ ɗaa: mbaɗee ba wʁɗa akɔ-nɔboɗoka kushedu, akufereɗere kushedu, ŋkəŋə, SIÐAA, shikiri kushedu, gɪfolu kushedu n'ʁshedʁ ʁɗən acəŋə. Ba ti kal na bere baɗe gi tam wáá ma, wàà ba pàá ɗôo na, ba sê bɪfala ni ashee bagilopí balaafiya laŋ. Naa gi fâa bere baɗe kushedu, gi naa yîɗe na laŋ na pi. Gi lêe konɗaari akal na pi, naa akanja na pi ba naa lêe ɗaa gəŋ ma.



Korona kushedu kurodu

Arè ndee a wuda ushedu de bo-
no ma, a na rodo alaafiyayar.
Kurodu u na doo n'atabara isal-
ka ni na. Asheduka a ta kôlo,
atire koo alə bulei na katabara
i na sal. Arè a ta nûr atabara de
n'agano, n'agununu koo n'i kpa
inyine ni, ushedu u tuu sêra
arodo ni gboo.



Aki, u lee alaafiyayar koo asheduka aa?

Arè dən a taa sêra awuɗa ga-shempidipidu gade, ama k'i lâa afaɲa agulo laɲ na haɪ a rôɗo bere. Gani ga lee ka ngadee ga lee gabɔno awu ma. Gi ti gi sêra aroɗo bere baɗən ushedus de, k'i lee n'atuyɔu ni na. Shee gi sêra gasana gasonsono naa akəl ɪ pàá rôɗo mbaɗee ba saa ma na.



Shîre ma anyınanyε


Atabara ı tı sal ayɔkɔ ndee ı ɔa asər atɔ akal ma. Gashempɪɔɪ-
pɪɔ ga ɔə ga sêra asə
ayɔkɔ ɔə lan. ı ta fôm ayɔkɔ
ndee lan gashempɪɔɪpɪɔ ga sə
ma, naa akə n'akaano, akunɔunɔ
koo akɪnyine, ɔshedu ɔə ɔ tɔɔ
sêra ari anyın. ı ta jî wàà, ı fôm
ayɔkɔ ndee bɔshempɪɔɪpɪɔ bɔ
sə na ma ma, ı sim ı shîre a-
nyınanyε na nfɔfɔɔ koo n'alkɔl.
Nfɔfɔɔ koo alkɔl kushiru na ma,
ı tı kə gashempɪɔɪpɪɔ anyı-
nanyε nı. ı sim gı cêre atəbapi
gboo ba
yô ɔaa
gəŋ ma.



Pàá kɔɔ lêe gəŋ na!

Ɖaa guɔa gu na bo ɔpi 'ɛŋɔnɔ
n'agano naa ashem abɔda ma, ɪ
ti sɛra arodo na ŋkəŋ. Mbaɔee
ba ta naa yɛɛ ba tɔr itani abo
baja koo ba tɛne mbɔpá, ba na
tɔɔ bi sɛwa na du babɔno ni na
yɛɛ atabara ɪ wâ ɪ ma, ɪ ti sɛra
aroɔo na ŋkəŋ gboo. ɪ sim ba
pàá kɔɔ na lêe ɔaa gəŋ ma na.





Lêŋ ma n'anyinkuja!

Atabara ɪsalka ɪ na jəba ma,
kʊduú nɪ, ɪ tɪ ce ɔoɔɔo. ɪ
ta sêla na kanyinkuja, anyi-
nʊŋur nɪ atabarasalka ɪ tu
sêra a kpâ anyimbʊnɔ koo
anyinʊŋʊnʊ koo anyinʊnyi-
ne nɪ. ɪ sim ɡɪ lêŋ n'atalɔ
anyinkuja ɔaa meta banyu
ma.

Gi kêl ma atəbunɔ!

Baa sàà apana na, gi ta kôlɔ koo atire, ɪ sim gi naa kêl atəbunɔ n'atɪŋunɔ naa atabara ɪ pàá tâ gusərə na. Gano na giŋunɔ kɔsəu kawere na gəŋ, á tɔw akutu-lukɔkɔ kancəna nɪ akəl akɪŋunɔ n'akaano. ɪ ta lô gubɔ kankiti nshika n'ɪŋunɔ, shee ɪ bâda ŋkonkono nɪ asəu koo ɪ tâu ɔtonu. ɪ ta lêe daa gəŋ ma, ɪ tɪ kəl gashempɪdɪpɪdɪ kurodu na berei ba da asəla n'anyin ma. Bere banunii ba ta lêe daa gəŋ ma, gi tu sêra akəl ɔrodu kuyɔ-gu.





Pàá ma shêm atən na!

Ba pàá naa shêm atabara koo
shî ɲʊnʊ atən bɛɛ nɪ na. ɪ ta
naa yêɛ ɪ shêm atabara koo ɪ
shî ɲʊnʊ, shee ɪ dɔo samaa
nɪ aləŋ na gaɖu.

Lêṇ ma n'atalo n'atəbawor!

l jî wàà, ka gi sêra ayo arêi a wuda n'arêi k'a wuda ushedu de na ma, i sim gi lêṇ n'atalo n'atəbawor baqən kupatər. l ta naa yêe i sâla anyimbawor, lêṇ ma n'anyimbawor imeta banyu. Kê ma ginyipi ashee anyimbawor. l tu sêra na lə n'anyimbawor WasAp lan. Gadi i lee doole wàà, i lô anyimbawor ma, lêṇ ma n'anyimbawor imeta banyu. l ta jî wàà, baa aṇa na a kün daa gəṇ ma, atatəma ni n'atuduú ni, i tu fâa n'atu ushedu de kurodu.



Ɖaa ɪ sim gi sâla bere ma

Ba kal n'atu wàà, gi fâa ɔduú.
Ama, ka gi sêra apaɖa na bere
banunii na. ɪ ta naa yêe ɪ sâla,
sâla ma pàá ma kê n'anyimba-
wor na. Samaa ni, tâa ma anye
koo ɪ lêbə anyinaɖi. Gi ta lêɲ
n'atəbawor ɖaa ɪmeta banyɪ
ma, gi ti gi sêra alə n'atəbawor.
Bere ba-
ɲunii ba ta
sêra alee
ɖaa gəɲ
ma, gi ti gi
sêra aləɲ
n'atalo
ɔshedu ɖe
kuroɖu.



Yîde ma ūmanu!

Ūmanu ni, gi ti sɛla n'atɛbawor.
l ta jî wàà, anyinkuja dɛn a ti
mana, a taa rôdo mbaɖee ba
saa ma. Ðaa gɛn ma, anyinkuja
dɛn a taa sêra atongo ūshedu
ace na buɖui k'ŭ kana ɖa na
ma, k'i lee n'uyɔɔ ni na. Ūshedu
ɖe ū tuu sêra ari aki ūmanu ni.
Gi yîde ūmanu ishiléi ni. Bere
banunii ba ta sêra alee ɖaa gɛn
ma, gi ti gi sêra alɛn n'atalɔ
ūshedu ɖe kuroɖu.



Korona kushedu kalaama

Alaama mbaḍee ba
ɗa gbagbaraa ma na
gaŋ, ukolu, gulusu-
ɗaka n'ɗur afar. I ta
ji wàà, korona kaa-
shempidpidu ga ro-
ɗo arè ɗen, ishile
inun isabaka ni, a-
laama mana ba ti laa
afana. Ama alaama
baɗe ba ti sara atoo
tam gboo ɗaa ishile
tab-n'nan ma, naa
aye fana.



Ulugu l ta jî wàà, ushedū ū ri arè dən, ūba aɗe lə ba tɔ̃ karɛ aɗū afələ. Naa ayɛɛ bɛrɛi na pɪ ba kpa bawor ni ma, aɗū miyaū afələ. Bɛrɛi ba dɔ̃o n'apá ndee ni ba na tam wàà, ushedū ɗe ū ɗa ma, ūba aɗe lə wàà, ba ɗū bani gboo afələ. Ūɗaū afələ ɗe na ba yɪɗa wàà, ulugu. l ta jî wàà, ba lugo arè dən halɪ ɪshilé təb-n'ɪnan n'alaama dən k'a na faɲa agulo laɲ na, baɗe ba tɔ̃ wàà, ushedū ɗe k'ū cee ri ni na.



Ushedu u ta ri aki...

Gi lige acenja waa: ushedu de kalaama basabaka pi gan, ukolu, gulusudaka n'unjur afar. I ta ji waa, i ti ranja alaama baqe akusulo ni koo kudən, aki lee konkaarı alaa akusulo samaa ni afələ. Səu ma anyimbuno n'a-nyinununu na logotoro bitajika n'ununu koo na nkiti koo na nkuro ndən. Naa ayıda ginyipi kinɔmba mbaqe lan: 95 36 11 07, 51 02 00 00 koo 51 04 00 00 naa adu gutɔ akun ngadee ba na lə ma.



Masasara ajala a da n'aki aa?

Masasara ajala kalaama a ta da n'anyin, da ma afal gboo naa alaa anyingulo samaa ni hali i ti ne kasooci. Anyinamasasara a ta ti na kpa gunye, anyu yida ginyipi kinomba mbaɗe lan: 95 36 11 07, 51 02 00 00 koo 51 04 00 00 naa aɗu guto akun ngadee ba na la ma.



Ŭkalnama

Alesura de injunii ni, pàá ma fâŋa anyinalo kandəndən lan na. Tōji ma anyimbawor mba-dee ba kələkələ anyin ma, gboo. Naa ma na dū ūba n'ilo-gotoro kəbayɔka guto. Fâŋa ma anyinɪfala ni kəberɛ, laalaa anyimbapi, ba kûn daa ɪ taba ma. Pâla ma guto guɖuka na ba lə wàà, kabulei mbɔdee kə bɔ lee ūba abɔja na ma.

